

JAVNA USTANOVA
DOM ZDRAVLJA
KANTONA SARAJEVO
GENERALNI DIREKTOR
Broj: 01-03-4514-2/22
Datum: 01.07.2022. godine

2888
Bosna i Hercegovina
Federacija Bosna i Hercegovine
06-07-2022
01 02 18506-92

SKUPŠTINA KANTONA SARAJEVO
Reisa Džemaludina Čauševića 1
71 000 Sarajevo

PREDMET: Odgovor na zastupničko pitanje, dostavlja se

Vežano za dostavljeno Zastupničko pitanje zastupnice Danijele Kristić, broj: 01-04-18506-25/22 od 31.05.2022. godine, koje se odnosi na dostavljanje podataka o trenutnom broju i stvarnoj potrebi uposlenih pulmologa i radiologa u Javnoj ustanovi Dom zdravlja Kantona Sarajevo, obavještavamo Vas o sljedećem:

I. U Javnoj ustanovi Dom zdravlja Kantona Sarajevo u Pneumoftiziološkim dispanzerima trenutno je uposleno **10 specijalista pneumoftiziologa/pulmologa.**

Na snazi u Kantonu Sarajevo je Odluka Skupštine Kantona Sarajevo o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo (Službene novine Kanton Sarajevo: 37/09) kojom se utvrđuje obim zdravstvenih prava, osnove, kriteriji i mjerila za ugovaranje zdravstvene djelatnosti koja se obezbjeđuje osiguranim licima Zavoda zdravstvenog osiguranja Kantona Sarajevo, kao i zakonito i pravilno uspostavljanje ugovornih odnosa između Zavoda i zdravstvenih ustanova koje obezbjeđuju primarnu, specijalističko-konsultativnu i bolničku zdravstvenu zaštitu osiguranim osobama/licima ovog zavoda.

U tabeli u članu 22. navedene Odluke definisan je potreban zdravstveni kadar u primarnoj zdravstvenoj zaštiti, pri čemu su specijalisti pneumoftizilogije navedeni kao dio tima koji pruža pneumoftiziološku zaštitu, a potreban kadar za jedan tim čine: 1 doktor medicine specijalista pneumoftizilog; 1 inženjer medicinske radiologije; 1,3 medicinska sestra - tehničar SSS koji je po navedenoj Odluci normiran da pruža usluge za 35.000 osiguranih osoba/stanovnika. Prema posljednjim dostavljenim statističkim podacima Zavoda za informatiku i statistiku, od 22.02.2022. godine, ukupan broj stanovnika u Kantonu Sarajevo je 419.918 iz čega proizlazi da je za područje Kantona Sarajevo potrebno 12 timova za pružanje usluga pneumoftiziološke zaštite.

U Pravilniku o radu, unutrašnjoj organizaciji i sistematizaciji radnih mjesta i plaćama radnika Javne ustanove Dom zdravlja Kantona Sarajevo, obzirom na razuđenost terena koji pokrивamo i poštujući načelo dostupnosti zdravstvene zaštite, **sistematizovano je ukupno 13 specijalista pneumoftizilogije/pulmologije.**

Iz svega naprijed navedenog proizilazi da prema trenutno važećim normativima Ustanovi nedostaju tri specijalista pneumoftizilogije/pulmologije, napominjemo da je Ustanova u prethodnom periodu u više navrata raspisivala javne oglase za popunu navedenih radnih mjesta, međutim radi se o izuzetno deficitarnom kadru na tržištu rada te ista nismo uspjeli popuniti.

Ipak, kao Ustanova smatramo da je potrebno da nadležni izvrše reviziju Odluke iz 2009. godine te utvrde da li postojeći normativ zadovoljava stvarne potrebe stanovništva za zdravstvenom zaštitom.

2. U Javnoj ustanovi Dom zdravlja Kantona Sarajevo u Službama za radiološku i ultrazvučnu dijagnostiku trenutno je uposleno **14 specijalista radiologa/specijalista dijagnostičke radiologije**.

Na snazi u Kantonu Sarajevo je Odluka Skupštine Kantona Sarajevo o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo (Službene novine Kanton Sarajevo: 37/09) kojom se utvrđuje obim zdravstvenih prava, osnove, kriteriji i mjerila za ugovaranje zdravstvene djelatnosti koja se obezbjeđuje osiguranim licima Zavoda zdravstvenog osiguranja Kantona Sarajevo, kao i zakonito i pravilno uspostavljanje ugovornih odnosa između Zavoda i zdravstvenih ustanova koje obezbjeđuju primarnu, specijalističko-konsultativnu i bolničku zdravstvenu zaštitu osiguranim osobama/licima ovog zavoda.

U tabeli u članu 30. navedene Odluke definisan je potreban zdravstveni kadar specijalističkog tima za podršku rada timova porodične/obiteljske medicine organizuje se specijalističkokonsultativna zdravstvena zaštita sekundarnog nivoa izvanbolničkih ustanova, pri čemu su specijalisti radiodijagnostike navedeni kao dio tima koji pruža usluge radiološke dijagnostike, a potreban kadar za jedan tim čine: 1 doktor medicine specijalista radiodijagnostike; 2 inženjera medicinske radiologije; 1 medicinska sestra - tehničar SSS koji je po navedenoj Odluci normiran da pruža usluge za 30.000 osiguranih osoba/stanovnika. Prema posljednjim dostavljenim statističkim podacima Zavoda za informatiku i statistiku, od 22.02.2022. godine, ukupan broj stanovnika u Kantonu Sarajevo je 419.918 iz čega proizlazi da je za područje Kantona Sarajevo potrebno 14 timova za pružanje usluga pneumoftiziološke zaštite.

U Pravilniku o radu, unutrašnjoj organizaciji i sistematizaciji radnih mjesta i plaćama radnika Javne ustanove Dom zdravlja Kantona Sarajevo, obzirom na razudenost terena koji pokrivamo i poštujući načelo dostupnosti zdravstvene zaštite, **sistematizovano je ukupno 15 specijalista radiologa/specijalista dijagnostičke radiologije**.

Iz svega naprijed navedenog proizilazi da prema trenutno važećim normativima Ustanovi nedostaje jedan specijalista radiolog/specijalista dijagnostičke radiologije.

Ipak, kao Ustanova smatramo da je potrebno da nadležni izvrše reviziju Odluke iz 2009. godine te utvrde da li postojeći normativ zadovoljava stvarne potrebe stanovništva za zdravstvenom zaštitom.

Napominjemo da su trenutno **na specijalizaciji iz pneumoftizilogije/pulmologije 4 doktora medicine** od kojih dva završavaju specijalizaciju 2024. i dva 2025. godine, a **na specijalizaciji iz radiologije su trenutno 3 doktora medicine** koji završavaju specijalizaciju 2024.; 2025. i 2026. godine.

S poštovanjem,

GENERALNI DIREKTOR

Dr.doc.sc ADEL BAIUĆ

DOSTAVITI:

- Naslovu
- a/a

